

Transkription von Urkunde BLN 1383a

Ort, Datierung: Berlin, 1383-08-06

Signatur: Domstiftsarchiv Brandenburg, U254

Inhalt: Rat der Städte Berlin/Cölln: Nutzungsrechte

Wj Ratmanne olde vnd nye der Stede Berlyn vnde Colne Bekennen in dessem open briefe / vor allen die en syen adir horen lesen , dat wi deme Erwerdighen vader in gode hern dyderik / Bisschoppe tu Brandenburg vnd allen sinen nakomelinghen , vnd dem^e Capittle tu Branden/borg , dorg gunst , wille , vnd forderunghe die sy vns in tukomenden tijden dūn mōgen , vnd / werden , vnd der wi vns tu allen tijden tu en vorsyen fryheit gegeuen hebb(e)n an oreme huse / vnd houē iegen vns(er) vrūwen kerkhoff vnd kercke(n) in der Stad tu Berlyn dar nū her wilke we/deghe yn^e wonet , an schote , vnd an waken , vor der stad dōr tusittende , vnd ane allerleie ander / burschaft vnd gerechticheit der stede ane mort vnd hantheftighe daet , vnd wī in deme huse / vnd houē wonet den wille wi vordedinghen gelike vnsen andern bōrgern , vnd vortmer so / scholen die vorbenūmden Bisschop , syne nakomelinghe , vnd Capittel dat hūs eyne andern / nicht vorgeuē noch vorkopen , Gescheget auer dat sie dat selue hūs vorgeuen adir vorkōften / so solen die stede alle ōre gerechticheit an deme huse weddir hebben na als vor , sunder allerleie / hinder vnd gebreke Tu orkunde vnd tu tūghe hebbe wi vns(er) stede Jngesegele an dessen brieff / ge hanghen , die geuen is tū Berlyn nach Cristi gebort dritteinhundert jar dar na in deme / dry vnd achtigsten Jare an sente Sixti dage des hilighen mertelers vnd pawes /